

摘藻堂四庫全書薈要

史部



欽定四庫全書叢要

史部

御定月令輯要圖說



詳校官編修臣繆晉



欽定四庫全書薈要

御製月令輯要序

古者於明堂之中施十二月之令本堯典授時之意而推廣之今所傳大戴禮夏小正篇小戴禮月令篇三代之遺文大略可見矣月令雖出呂覽而蔡邕次其章句孔穎達定其正義推明周公品制列之於經漢晉而下若四民月令四時纂要以及千金錦帶歲華紀麗歲時雜記諸書代有撰述未睹賅備前明之季馮應京戴任



始輯月令廣義二十四卷為士庶通用觀其原本經訓  
推行義類用意亦云勤矣顧其採摭既多蕪累間出爰  
命儒臣重加編輯次第呈覽親為裁定正譌芟複一歸  
雅馴別起義例補所未備博觀約取務合於體要而切  
於實用庶幾古者明堂月令之遺式矣書成名曰月令  
輯要舊本圖說并為釐正列諸卷端因天時而課治功  
察物候以盡人事自國家政典下逮氓庶作息均可參  
驗而閱覽博物之學亦於是乎有取焉由今而後言紀



時之書者其必以此為權輿也夫

康熙五十四年四月初九日



欽定四庫全書

序



康熙五十五年三月二十九日奉

旨開載月令輯要閱纂校對監造官員職名

總閱

文淵閣大學士兼吏部尚書加三級臣李光地

經筵講官文淵閣大學士兼禮部尚書加七級臣王 揆

校勘官

日講官起居注詹事府少詹事兼翰林院侍講學士加級臣蔣廷錫

日講官起居注翰林院侍講學士加一級臣勵廷儀



日講官起居注翰林院侍講學士加一級臣張廷玉

日講官起居注翰林院侍講學士加一級臣陳邦彥

日講官起居注翰林院侍讀加一級臣趙熊詔

候補翰林院侍講臣楊名時

右春坊右中允兼翰林院編修加一級臣王圖炳

翰林院檢討加一級臣張照

翰林院編修加一級臣薄海

纂修官



原任日講官起居注左春坊左諭德兼翰林院修撰加級臣吳廷楨

國子監司業加一級臣盧軒

翰林院侍講加一級臣吳士玉

翰林院編修加一級臣周彝

提督四川學政翰林院編修加二級臣廖賡謨

翰林院編修加一級臣楊開沅

翰林院編修加一級臣宮鴻歷

翰林院編修加一級臣楊士徽



原任翰林院編修臣汪灝

翰林院待詔臣高不騫

原任蘇州府知府臣陳鵬年

分纂官生

內閣中書舍人臣覺羅吳拜

內閣中書舍人臣吳玉崑

廣西桂林府靈川縣知縣臣樓儼

進士候選知縣臣徐啓統



進士候選知縣臣遲之金

進士候選知縣臣李登瀛

進士候選知縣臣甄之璜

進士候選知縣臣李祖望

進士候選知縣臣郁瑞

進士候選知縣臣崔楫

進士候選知縣臣劉正遠

進士候選知縣臣沈曾發



進士候選知縣臣倪見龍

進士候選知縣臣孫宗緒

進士候選知縣臣陳惠榮

進士候選知縣臣張坦

進士候選知縣臣汪樹

進士候選知縣臣王鈞

進士候選知縣臣王箴輿

進士候選知縣臣張秉亮



候選知縣臣戴天瑞

候選知縣臣孫天霖

舉人臣于枋

候選州同知臣鄒家龍

候選州同知臣杜庭珠

候選州同知臣楊儒臣

原候選州同知臣吳廷元

監生臣文永豐



生

員臣嚴文照

校對官生

原任翰林院編修臣何焯

留京食俸知縣臣鄒元斗

福建建寧府浦城縣知縣臣徐球

候選知縣臣沈元滄

舉人臣張廷璐

舉人臣程鵬



候選州同知臣查廣

監造官

武英殿總監造兼佐領臣張常住

武英殿總監造臣李國屏

武英殿總監造內務府會計司員外郎臣伊都立

武英殿監造兼驍騎校臣巴實

武英殿監造臣關保

武英殿監造臣神保







欽定四庫全書蒼要

御定月令輯要目錄

卷首

圖說

計十  
八圖

卷一

歲令上

天道  
政典  
民用

卷二

歲令下

物候  
占驗  
雜紀



卷三

每月令

天道	政典	日用
物候	占驗	雜紀

卷四

春令

天道	政典	民用
物候	占驗	雜紀

卷五

正月令

天道	節序	日次	政典
民用	物候	占驗	雜紀

卷六

二月令

天道	節序	日次	政典
民用	物候	占驗	雜紀



卷七

三月令

天道  
民用

節序  
物候

日次  
占驗

政典  
雜紀

卷八

夏令

天道  
物候

政典  
占驗

民用  
雜紀

卷九

四月令

天道  
民用

節序  
物候

日次  
占驗

政典  
雜紀

卷十

五月令

天道  
民用

節序  
物候

日次  
占驗

政典  
雜紀



卷十一

六月令

天道  
民用

節序  
物候

日次  
占驗

政典  
雜紀

卷十二

土王令

天道  
物候

政典  
占驗

民用  
雜紀

卷十三

秋令

天道  
物候

政典  
占驗

民用  
雜紀

卷十四

七月令

天道  
民用

節序  
物候

日次  
占驗

政典  
雜紀



卷十五

八月令

天道  
民用

節序  
物候

日次  
占驗

政典  
雜紀

卷十六

九月令

天道  
民用

節序  
物候

日次  
占驗

政典  
雜紀

卷十七

冬令

天道  
物候

政典  
占驗

民用  
雜紀

卷十八

十月令

天道  
民用

節序  
物候

日次  
占驗

政典  
雜紀



卷十九

十一月令

天道

節序

日次

政典

民用

物候

占驗

雜紀

卷二十

十二月令

天道

節序

日次

政典

民用

物候

占驗

雜紀

卷二十一

閏月令

天道

節序

月次

政典

民用

物候

占驗

雜紀

卷二十二

晝夜令上

天道

政典

民用

物候

占驗



卷二十三

晝夜令下

雜紀

卷二十四

時刻令

天道  
物候

政典  
占驗

民用  
雜紀

臣等謹案月令輯要二十四卷圖說一卷康熙五十四年

聖祖仁皇帝御定大學士臣李光地等奉

勅纂校昔人以月令起義成書者指不勝屈李巨川



采奇一編季有總序月有月令日有雜記而  
又附以五行生旺調攝占候諸說體例頗可  
觀采惜其書不傳是編因明臣馮應京戴任  
月令廣義刪蕪補闕別起義例凡所徵引首  
本經訓次及史傳下逮諸子百家方言地志  
靡不畢採用以課農時驗物候上可以資欽  
若而下可以訓作息固非徒覩縷歲華而已  
也乾隆四十年十二月恭校上



總纂官臣紀昀臣陸錫熊臣孫士毅

總校官臣陸費墀







欽定四庫全書薈要卷七千五百六十九

史部

御定月令輯要

圖說

太極兩儀四象八卦圖

先天六十四卦分二十四氣圖

十二卦氣分應十二月圖

五行分王四時圖

十二月日躔月建二十四氣七十二候圖



黃赤交道全圖

春分正視之圖

秋分正視之圖

日行南北陸分晝永晝短圖

日月五星周天圖

月朔望上下弦圖

十二律呂相應十二月圖

五聲八音協八方八風圖



太歲天干釋名圖

太歲地支釋名圖

月建天干釋名圖

月建地支釋名圖

月令主屬全名圖







# 太極兩儀四象八卦圖



乾 兌 離 震 坎 艮 坤




太陰 少陽 少陰 太陽



陰 陽



太極





周易繫辭傳曰易有太極是生兩儀兩儀生四象四象生八卦周子曰無極而太極太極動而生陽動極而靜靜而生陰靜極復動一動一靜互為其根分陰分陽兩儀立焉邵子曰太極既分兩儀立矣陽下交於陰陰上交於陽四象生矣陽交於陰陰交於陽而生天之四象剛交於柔柔交於剛而生地之四象於是八卦成矣八卦相錯然後萬物生焉是故一分为二二分为四四分为八朱子曰太極者象數未形而其理已具之稱形器已具而其理無朕之目在河圖洛書皆虛中之象也太極之上始生一奇一偶而為一畫者二是為兩儀其數則陽一而陰二在河圖洛書則奇偶是也兩儀之上各生一奇一偶而為二畫者四是為四象其位則太陽一少陰二少陽三太陰四其數則太陽九少陰八少陽七太陰六以河圖言之則六者一而得於五者也七者二而得於五者也八者三而得於五者也九者四而得於五者也以




洛書言之則九者十分一之餘也八者十分二之餘也七者十分三之餘也六者十分四之餘也四象之上各分一奇一偶而為三畫者八於是三才略具而有八卦之名矣







# 先天六十四卦分二十四氣圖





易曰天地定位山澤通氣雷風相薄水火不相射八卦相錯數往者順知來者逆是故易逆數也邵子曰此一節明伏羲八卦也八卦相錯者明交相錯而成六十四也數往者順若順天而行是左旋也皆已生之卦也故云已往也知來者逆若逆天而行是右行也皆未生之卦也故曰知來也西山蔡氏曰六十四卦圓布者乾盡午中坤盡子中離盡卯中坎盡酉中陽生於子中極於午中陰生於午中極於子中溪胡氏曰嘗因邵子子半之說推之以卦分配節候復為冬至子之半頤屯益為小寒丑之初震噬嗑隨為大寒丑之半无妄明夷為立春寅之初賁既濟家人為雨水寅之半豐離革為驚蟄卯之初同人臨為春分卯之半損節中孚為清明辰之初歸妹睽兌為穀雨辰之半履泰為立夏巳之初大畜需小畜為小滿巳之半大壯大有夬為芒種午之初至乾之末交夏至午之半焉此三十二卦皆進而得夫震離兌乾



已生之卦也姤為夏至午之半大過鼎恒為小暑未  
之初巽井蠱為大暑未之半升訟為立秋申之初困  
未濟解為處暑申之半渙坎蒙為白露酉之初師遯  
為秋分酉之半咸旅小過為寒露戌之初萃晉豫為小雪亥  
霜降戌之半謙否為立冬亥之初至坤之末交冬至子之  
之半觀比剥為大雪子之初至坤之末交冬至子之  
半焉此三十二卦皆進而得夫巽坎艮坤未生之卦  
也二分二至四立總為八節每節各計兩卦如坤復  
為冬至无妄明夷為立春同人臨為春分之類是也  
如十六氣每氣各計三卦如頤屯益為小寒至觀比  
剥為大雪之類是也八節計十六卦十六氣計四十  
八卦此以卦配氣者然也







二十卦分氣應二十月圖





易臨彖辭臨元亨利貞至於八月有凶朱子本義二陽浸長以逼於陰故為臨十二月之卦也八月於卦

為觀臨之反對也

復彖辭反復其道七日來復象傳先王以至日閉關

疏五月一陰生十一月一陽生本義剝盡則為純

坤十月之卦而陽氣已生於下矣積之踰月然後一

陽之體始成而來復故十有一月其卦為復又自五

月一陰始生至此七爻一陽來復乃天運之自然也

本義泰正月之卦也大壯二月之卦也夬三月之

卦也一變則為純乾遯六月之卦也否七月之卦也

觀八月之卦也剝九月之卦也朱子曰以十二卦

配十二月也自齊整復卦是震在坤下陽臨是兌在

坤下陽泰是乾在坤下陽大壯是震在乾上陽夬是

兌在乾上陽乾是乾在乾上陽姤是乾在巽上陰遯

是乾在艮上陰否是乾在坤上陰觀是巽在坤上陰

剝是艮在坤上陰坤是坤在坤上陰又曰論十二



卦則陽始於子而終於巳陰始於午而終於亥論四  
時之氣則陽始於寅而終於未陰始於申而終於丑  
此二說者雖若小差而所爭不過二位蓋子位一陽  
雖生而未出乎地至寅位泰卦則三陽之生方出地  
上而溫厚之氣從此始焉巳位乾卦六陽雖極而溫  
厚之氣未終故午位一陰雖生而未害於陽必至未  
位遯卦而後溫厚之氣始盡也其午位陰巳生而嚴  
凝之氣及申方始亥位六陰雖極而嚴凝之氣至丑  
方盡蓋地中之氣難見而地上之氣易識故周人以  
建子為正雖得天統而孔子之論為邦乃以夏時為  
正蓋取其陰陽始終之著明也按圖以推其說可見







# 五行分行四時圖






洪範一五行一曰水二曰火三曰木四曰金五曰土  
禮運曰播五行於四時月令立春盛德在木立夏盛德  
在火中央土立秋盛德在金立冬盛德在水家語孔  
子曰天有五行木火金水及土分時化育以成萬物  
董子春秋繁露木居東方而主春氣火居南方而  
主夏氣金居西方而主秋氣水居北方而主冬氣土  
居中央故五行而四時者土兼之也周子曰陽變  
陰合而生水火木金土五氣順布四時行焉朱子  
曰陽變陰合而生水火木金土水陰盛故居右火陽  
盛故居左木陽穉故次火金陰穉故次水土沖氣故  
居中水而木木而火火而土土而金金而復水如環  
無端五氣布四時行也又曰以質而語其生之序則  
曰水火木金土而水木陽也火金陰也以氣而語其  
行之序則曰木火土金水而木火陽也金水陰也



# 二十日月躔建十二氣七十二候圖





禮記月令孟春之月日在營室仲春之月日在奎季春之月日在胃孟夏之月日在畢仲夏之月日在東井季夏之月日在柳孟秋之月日在翼仲秋之月日在角季秋之月日在房孟冬之月日在尾仲冬之月日在斗季冬之月日在婺女

註日月之行一歲十二會聖王因其會而分之以為大數焉觀斗所建命其四時孟春日月會於娵訾而斗建寅之辰仲春日月會於降婁而斗建卯之辰季春日月會於大梁而斗建辰之辰孟夏日月會於實沈而斗建巳之辰仲夏日月會於鶉首而斗建午之辰季夏日月會於鶉火而斗建未之辰孟秋日月會於鶉尾而斗建申之辰仲秋日月會於壽星而斗建酉之辰季秋日月會於大火而斗建戌之辰孟冬日月會於析木之津而斗建亥之辰仲冬日月會於星紀而斗建子之辰季冬日月會於斗建丑之辰

疏凡二十四氣每三分之為七十二氣氣間五日有餘故一年有七十二候也



周禮疏曰一年之內有二十四氣正月立春節雨水  
中二月啓蟄節春分中三月清明節穀雨中四月立  
夏節小滿中五月芒種節夏至中六月小暑節大暑  
中七月立秋節處暑中八月白露節秋分中九月寒  
露節霜降中十月立冬節小雪中十一月大雪節冬  
至中十二月小寒節大寒中


月令孟春之月東風解凍蟄蟲始振魚上冰獺祭魚鴻  
雁來草木萌動仲春之月始雨水桃始華倉庚鳴鷹化  
為鳩玄鳥至雷乃發聲始電蟄蟲咸動季春之月桐始  
華田鼠化為鴽虹始見萍始生鳴鳩拂其羽戴勝降于  
桑孟夏之月蜩蟬鳴蚯蚓出王瓜生苦菜秀靡草死麥  
秋至仲夏之月小暑至螳螂生鵙始鳴反舌無聲鹿角  
解蟬始鳴半夏生木堇榮季夏之月溫風始至蟋蟀居  
壁鷹乃學習腐草為螢土潤溽暑孟秋之月涼風至白  
露降寒蟬鳴鷹乃祭鳥仲秋之月盲風至鴻雁來玄鳥  
歸羣鳥養羞雷始收聲蟄蟲蟄蟲坏戶水始涸季秋之月鴻



雁來賓爵入大水為蛤菊有黃華豺乃祭獸戮禽霜始  
降草木黃落蟄蟲咸俯孟冬之月水始冰地始凍雉入  
大水為蜃虹藏不見仲冬之月冰益壯地始坼鶡旦不  
鳴虎始交芸始生荔挺出蚯蚓結麋角解水泉動季冬  
之月雁北嚮鵲始巢雉雊雞乳征鳥厲疾水澤腹堅圖  
據時憲歷本於汲冢周書與月令微異




# 黃赤交道全圖





# 春分正視之圖









堯典寅賓出日平秩東作日中星鳥以殷仲春

平秩南訛敬致日永星火以正仲夏

寅餞納日平秩西成宵中星虛以殷仲秋

平在朔易日短星昴以正仲冬

爾雅北極北辰也淮南子曰冬至則斗北中繩陰氣

極陽氣萌日夏至則斗南中繩陽氣極陰氣萌陰氣

極則北至北極陽氣極則南至南極尚書疏天之

形狀似鳥卵地居其中天包地外猶卵之裹黃圓如

彈丸爾雅釋天疏天之體雖繞於地地則中央正

平天則北高南下北極高於地三十六度南極下於

地三十六度然則北極之下三十六度常見不沒南

極之上三十六度常沒不見北極地勢此上南極地勢下乃各

周時都洛之度分是春秋分之日道赤道之北為夏至之日道赤道之

南為冬至之日道周禮春官註黃道占日天道有

三黃道者日月五星所乘王朴歷奏赤道者天之




紘帶也其勢圜而平紀宿度之常數焉黃道者日軌也半在赤道內半在赤道外去極遠二十四度當與赤道近則其勢斜當與赤道遠則其勢直斜則日行宜遲直則日行宜速故二分前後如其度二至前後減其度







# 日行南北陸分晝永晝短圖





周禮土方氏掌土圭之法以致日景註冬至日極短夏至日極長其極長極短之間冬至後日漸長夏至後日漸短

春秋傳古者日在北陸而藏冰西陸朝覲而出之後漢歷志晦朔合離斗建移辰謂之日月之行則有冬有夏冬夏之間則有春有秋是故日行北陸謂之夏西陸謂之春南陸謂之冬東陸謂之秋邵子曰冬至之子中陰之極春分之卯中陽之中夏至之午中陽之極秋分之酉中陰之中凡三百六十中分之則一百八十此二至二分相去之數也又曰日行陽度則贏行陰度則縮




# 日 月 五 星 周 天 圖

日

太陽之精順天左旋  
天行一日常週一周  
而過一度日一日一  
周不及天一度積三  
百六十五日四分日  
之一而與天會

月

太陰之精亦順天左旋  
一日常不及天十三度  
有奇不及日十二度有  
奇積二十七日有奇而  
與天會積二十九日有  
奇而與日會





堯典歷象日月星辰敬授人時

曆三百有六旬有六日以閏月定四時成歲

舜典在璿璣玉衡以齊七政疏七政謂日月五星也

木曰歲星火曰熒惑星土曰填星金曰太白星水曰

辰星月令疏天是太虛本無形體但指諸星運轉

以為天耳諸星之轉從東而西必三百六十五日四

分日之一夜復舊處星既左轉日則右行亦三百六

十五日四分日之一至舊星之處即以一日之行而

為一度計二十八宿一周天凡三百六十五度四分

度之一是天之一周之數也又曰凡二十八宿及諸

星皆循天左行一日一夜一周天一周天之外更行


一度計一年三百六十五周天四分度之一日月五

星則右行日一日一度月一日一十三度十九分度

之七此相通之數也



# 月朔望上下弦圖





禮運三五而盈三五而闕

疏曰三五十五日而得盈

滿又三五十五日而得虧闕也

尚書武成惟一月壬辰旁死魄又曰厥四月哉生明又

曰既生魄召誥三月惟丙午朏註死魄朔也月二日

故曰旁死魄哉始也始生明月三日也生魄望後也

朏月出也三日明生之名月令疏月是陰精日為

陽精故周髀云日猶火月猶水水火則外光水則含景

故月光生於日所照魄生於日所蔽當日則光盈就

日則明盡京房云月與星辰陰者也有形無光日照

之乃有光日似彈丸月似鏡體或以為月亦似彈丸

日照處則明不照處則闕釋名晦灰也火死為灰

月光盡似之也朔蘇也月死復蘇生也弦月半之名

也其形一旁曲一旁直若張弓施弦也望月滿之名

也月大十六日月小十五日日在東月在西遙相望

也說文朏未盛之明晦而月見西方謂之朏朔而

月見東方謂之縮朏隋志月者陰之精也其形圓



其質清日光照之則見其明日光所不照則謂之魄  
故月望之日日月相望人居其間盡覩其明故形圓  
也二弦之日日照其側人觀其傍故半明半魄也晦  
朔之日日照其表人在其裏故不見也







# 二十律呂協應二十月圖






禮記月令孟春之月律中太簇仲春之月律中夾鍾李  
春之月律中姑洗孟夏之月律中仲呂仲夏之月律中  
蕤賓季夏之月律中林鍾中央土律中黃鍾之宮孟秋  
之月律中夷則仲秋之月律中南呂季秋之月律中無  
射孟冬之月律中應鍾仲冬之月律中黃鍾季冬之月  
律中大呂

周禮大師掌六律六同以合陰陽之聲陽聲黃鍾太簇  
姑洗蕤賓夷則無射陰聲大呂應鍾南呂函鍾小呂夾  
鍾



# 五聲八音八方風圖





樂記八風從律而不姦疏八風八方之風也律十二月之律也樂音象八風樂得其度故八風十二月律應八節而至不為姦慝也距冬至四十五日條風至條者生也四十五日明庶風至明庶者迎衆也四十五日清明風至清明者芒也四十五日景風至景者大也言陽氣長養也四十五日涼風至涼寒也陰氣行也四十五日閭闔風至閭闔者咸收藏也四十五日不周風至不周者不交也言陰陽未合化矣四十五日廣莫風至廣莫者大莫也開陽氣也五日廣莫風至廣莫者大莫也開陽氣也左傳夫舞所以節八音而行八風註八音金鐘石磬絲琴瑟竹簫管土埙木柷敔匏笙革鼓也八方之風謂東北條風東方谷風東南清明風南方凱風西南涼風西方閭闔風西北不周風北方廣莫風周禮天官註宮數八十一配中央土商數七十二配西方金角數六十四配東方木徵數五十四配南方火羽數四十八配北方水淮南子曰東北曰炎風東方



曰條風東南曰景風南方曰巨風西南曰涼風西方  
曰飈風西北曰麗風北方曰寒風白虎通曰壘坎  
音也管艮音也鼓震音也絃離音也鐘兌音也祝  
乾音也鄭樵通志曰乾之音石其風不周坎之音  
革其風廣莫艮之音匏其風融震之音竹其風明庶  
巽之音木其風清明離之音絲其風景坤之音土其  
風涼兌之音金其風閭闔







# 太歲天干名釋圖





# 太歲地支釋名圖






爾雅太歲在甲曰闕逢在乙曰旃蒙在丙曰柔兆在丁  
曰彊圉在戊曰著雍在巳曰屠維在庚曰上章在辛曰  
重光在壬曰玄默在癸曰昭陽太歲在寅曰攝提格在  
卯曰單閼在辰曰執徐在巳曰大荒落在午曰敦牂在  
未曰協洽在申曰涒灘在酉曰作噩在戌曰閭茂在亥  
曰大淵獻在子曰困敦在丑曰赤奮若疏此別太歲  
在日在辰之名也甲至癸為十日為陽寅至丑為  
十二辰辰為陰按漢書律歷志云迺以前歷上元泰  
初四千六百二十七歲至於元封七年復得闕逢攝  
提格之歲言復得者上元泰初時亦是闕逢之歲歲  
在甲曰闕逢在寅曰攝提格此謂甲寅之歲也然則  
乙卯之歲曰旃蒙單閼丙辰之歲曰柔兆執徐丁巳  
之歲曰彊圉大荒落在戊午之歲曰著雍敦牂巳未之  
歲曰屠維協洽庚申之歲曰上章涒灘辛酉之歲曰  
重光作噩壬戌之歲曰玄默閭茂癸亥之歲曰昭陽  
大淵獻甲子之歲曰闕逢困敦乙丑之歲曰旃蒙赤



奮若以此推之周而復始可知



# 月建天干釋名圖





月建地支釋名圖





爾雅月在甲曰畢在乙曰橘在丙曰修在丁曰圉在戊  
曰厲在己曰則在庚曰室在辛曰塞在壬曰終在癸曰  
極正月為陬二月為如三月為病四月為余五月為皋  
六月為且七月為相八月為壯九月為玄十月為陽十  
一月為辜十二月為涂註此辨以日配月之名也設  
若正月得甲則曰畢陬二月得乙則曰橘如三月得  
丙則曰修病四月得丁則曰圉余五月得戊則曰厲  
皋六月得己則曰則且七月得庚則曰室相八月得  
辛則曰塞壯九月得壬則曰終玄十月得癸則曰極  
陽十一月得甲則曰畢辜十二月得乙則曰橘涂周  
而復始亦可知也



[illegible]



# 月令主屬全名圖





孟春之月其日甲乙其帝太皞其神句芒其蟲鱗其音  
 角律中太簇其數八其味酸其臭羶其祀戶祭先脾仲  
 春之月其日甲乙其帝太皞其神句芒其蟲鱗其音角  
 律中夾鍾其數八其味酸其臭羶其祀戶祭先脾季春  
 之月其日甲乙其帝太皞其神句芒其蟲鱗其音角律  
 中姑洗其數八其味酸其臭羶其祀戶祭先脾孟夏之  
 月其日丙丁其帝炎帝其神祝融其蟲羽其音徵律中  
 中呂其數七其味苦其臭焦其祀竈祭先肺仲夏之月  
 其日丙丁其帝炎帝其神祝融其蟲羽其音徵律中蕤  
 賓其數七其味苦其臭焦其祀竈祭先肺季夏之月其  
 日丙丁其帝炎帝其神祝融其蟲羽其音徵律中林鍾  
 其數七其味苦其臭焦其祀竈祭先肺中央土其日戊  
 巳其帝黃帝其神后土其蟲倮其音宮律中黃鍾之宮  
 其數五其味甘其臭香其祀中雷祭先心孟秋之月其  
 日庚辛其帝少皞其神蓐收其蟲毛其音商律中夷則  
 其數九其味辛其臭腥其祀門祭先肝仲秋之月其日




庚辛其帝少暉其神蓐收其蟲毛其音商律中南呂其  
數九其味辛其臭腥其祀門祭先肝季秋之月其日庚  
辛其帝少暉其神蓐收其蟲毛其音商律呂無射其數  
九其味辛其臭腥其祀門祭先肝孟冬之月其日壬癸  
其帝顓頊其神玄冥其蟲介其音羽律中應鍾其數六  
其味鹹其臭朽其祀行祭先腎仲冬之月其日壬癸其  
帝顓頊其神玄冥其蟲介其音羽律中黃鍾其數六其  
味鹹其臭朽其祀行祭先腎季冬之月其日壬癸其帝  
顓頊其神玄冥其蟲介其音羽律中大呂其數六其味  
鹹其臭朽其祀行祭先腎



御定月令輯要卷首





覆校官助教臣金學詩

校對官庶吉士臣陳崇本

謄錄監生臣王以謹

繪圖監生臣周濬